



Broj: 0101-5608-7/19  
Sarajevo, 18.07.2019. godine

Na osnovu člana 69. stav (2), tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14) i člana 62. Statuta Univerziteta u Sarajevu, nakon provedenog postupka javne nabavke robe – nabavka Laboratorijska saobraćajna oprema i softver, na preporuku Komisije za javnu nabavku broj: 0101-5608-6/18 od 15.07.2019. godine, rektor je d o n i o:

### **ODLUKU**

#### **o poništenju postupka javne nabavke robe - Laboratorijska saobraćajna oprema i softver (LOT 1)**

#### **Član 1.**

Prihvata se preporuka Komisije za javnu nabavku broj: 0101-5608-6/19 od 16. 07. 2019. godine i postupak javne nabavke robe – Laboratorijska saobraćajna oprema i softver (LOT 1 - Laboratorijska, optička i precizna oprema (osim naočala) SE PONIŠTAVA iz razloga što je cijena ponude ponuđača Telnet d.o.o. znatno veća od osiguranih sredstava za predmetnu nabavku, a što je definisano članom 69. stav (2), tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14).

#### **Član 2.**

Ova Odluka će se objaviti na web stranici Univerziteta u Sarajevu [www.unsa.ba](http://www.unsa.ba), istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama BiH.

### **Obrazloženje**

Na osnovu Odluke o pokretanju postupka javne nabavke broj: 0101-5608-3/19 od 21.06.2019. godine, Univerzitet u Sarajevu je pokrenuo postupak javne nabavke robe – nabavka laboratorijske saobraćajne opreme i softvera.

Za provođenje postupka predmetne javne nabavke, Odlukom broj: 0101-5608-2/19 od 21.06. 2019. godine, imenovana je Komisija za javnu nabavku u sastavu: Lejla Dizdarević Univerzitet u Sarajevu, predsjedavajući, Mirza Berković, član, Adnan Omerhodžić, član, Edvin Šimić, član i Osman Lindov, član, a za zamjenske članove su imenovani: Belma Memić, Adisa Hasković i Muhamed Begović.

Obavještenje o nabavci broj: 999-1-1-64-3-55/19 objavljeno je na Portalu javnih nabavki dana 21. 06. 2019. godine i Službenom glasniku BiH br.44 od 28.06.2019.godine.

Iz Zapisnika Komisije za javnu nabavku je vidljivo da u periodu koji je ostavljen za dostavljanje ponuda, nije bilo pitanja upućenih Ugovornom organu putem sistema e-nabavke.

Komisija za javnu nabavku je dana 11.07.2019. godine u 10,15 sati izvršila javno otvaranje blagovremeno prispijele ponuda. Na javnom otvaranju ponuda nije bilo prisutnih predstavnika ponuđača. Obzirom da je zaprimljena jedna ponuda Komisija za javnu nabavku je dana 11. 07.

2019. godine, započela svoj rad, a radi pregleda i ocjene ponuda, odnosno da bi utvrdila da li je ponuđač ispunio uslove iz člana 45. do 49. Zakona o javnim nabavkama koji su traženi Tenderskom dokumentacijom, kao i da bi utvrdila da li je ponuđač dostavio tehnički zadovoljavajuću ponudu u skladu sa zahtjevima iz Tenderske dokumentacije i da li su kvalifikovani za vršenje predmetnih usluga.

Komisija je utvrdila sljedeće: ponuđač Telnet d.o.o., Stupska bb 71210 Ilidža je dostavio ponudu za opremu iz obrasca za cijenu ponude (PRILOG II) za LOT 1 - Laboratorijska, optička i precizna oprema (osim naočala). Komisija je utvrdila da je ponuda ponuđača Telnet d.o.o. tehnički zadovoljavajuća, te je pristupila računskoj provjeri ponude.

Nakon izvršene računске kontrole prihvatljive ponude, Komisija je utvrdila da u ponudi ponuđača Telnet d.o.o. postoji računska greška i to: u Obrascu za cijenu ponude - ukupna cijena ponude. Obzirom da navedena **ukupna cijena ponude KM bez PDV-a** u iznosu od 33.445,00 KM nije izračunata kao zbir ukupnih cijena stavki (*kolona 7 Obrasca za cijenu ponude*).

Ukupna cijena ponude-KM bez PDV-a	33445,00
Popust 0% izražen u KM	0
Ukupna cijena ponude sa uračunatim popustom-KM bez PDV-a	33445,00
PDV na cijenu ponude sa uračunatim popustom-KM	5685.65
UKUPNA CIJENA PONUDE izražena u KM sa PDV-om (sa uračunatim popustom)	39130,65

komisija je uputila Poziv ponuđaču Telnet d.o.o. za ispravku računске greške. Ponuđač Telnet d.o.o. je prihvatio predloženu ispravku računске greške za LOT 1. na način :

Ukupna cijena ponude-KM bez PDV-a	35745.00
Popust % izražen u KM	
Ukupna cijena ponude sa uračunatim popustom-KM bez PDV-a	35745,00
PDV na cijenu ponude sa uračunatim popustom-KM	0.00
UKUPNA CIJENA PONUDE izražena u KM sa PDV-om (sa uračunatim popustom)	35745,00

Također, ponuđač Telnet d.o.o. je u svojoj ponudi naveo ukupnu cijenu sa PDV-om, iako je Ugovorni organ na strani 37. TD naveo napomenu da će ponuđačima biti dostavljena potvrda kojom se oslobađaju plaćanja uvozne carine i PDV-a. Komisija je ovu grešku ponuđača ocijenila kao tehničku grešku koja bitno ne utiče na donošenje odluke.

Obzirom da je ukupna cijena ponude za LOT 1 (35.745,00 KM) slovima: (tridesetpethiljadasedamstotinačetrdesetpet KM i 00/100) veća od procjenjene vrijednosti nabavke navedene u tenderskoj dokumentaciji za LOT 1 (33.460,00 KM) slovima: (tridesettrihiljadečetristošezdeset KM 00/100) Komisija za javnu nabavku je dala preporuku rektoru Univerziteta u Sarajevu da donese odluku o poništenju postupka javne nabavke robe – Laboratorijska saobraćajna oprema i softver (LOT 1 - Laboratorijska, optička i precizna oprema (osim naočala), a na osnovu člana 69. stav (2), tačka (e) Zakona o javnim nabavkama Bosne i Hercegovine („Službeni glasnik BiH“ broj: 39/14).

## **POUKA O PRAVNOM LIJEKU:**

Protiv ove Odluke može se izjaviti žalba, najkasnije u roku od deset (10) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

**Naknada za pokretanje žalbenog postupka plaća se Uredu za razmatranje žalbi**, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

Rektor

Prof. dr. Rifat Škrijelj

### **Dostaviti:**

1. Telnet d.o.o., Stupska bb 71210 Ilidža
2. Služba za finansije i računovodstvo
3. u dosje javnih nabavki
4. web stranica UNSA
5. a/a

**Prilog:** Zapisnik o pregledu i ocjeni ponuda